

nihil ad necessitatem deesse sustinuit. In ecclesias vrbis plu-
rima dona contulit. In primum beati Petri plurimas ac
munitissimas arces oportunis locis erexit. Huius tamen
tam admirabili tam expectende pontificis vite non defuerunt
insidiatores. Stephanus enim Romanus familia porcaria
tenui censu eques/res novas sepe in vrbe molitus: ac pro-
pterea Bononie relegatus. clam inde excedens magnis iti-
neribus Romam rediit: convocatisque mox amicis: mentem suam
exposuit: turpe esse dictitans. eam urbem que totum sibi sub-
iecerit orbem. Nunc sacerdotum imperio subiacere. quos
rectius feminas quam viros quisque appellauerit. Venisse se
paratum patrie iugum excutere: rem factu facilem si viri fu-
erint. Nicolaum pontificem celebri epiphaniarum die in ede
beati Pauli sacra facturum. haud magno negotio compre-
hendi posse. populum libertatis amore/ quam proclamari au-
dierit. mox opem audientibus daturum. Ad colligandum autem
presulem catenam auream secum attulit. a se iam pridem
paratam. quam congregatis ostendit. Neque enim mox
occidendum presulem ex usu esse dicebat. Sed observandum
donec arcem sancti Angeli per eum recuperarent: Atque ut erat
homo facundus facile in suam sententiam congregatos tra-
xit. atque eo facilius quam inopes ere alieno gravatos et obpa-
trata scelera iudicium formidantes ad se vocauerat. quibus
nihil erat in pace sperandum. Sed presensit insidias Ni-
colaus missisque militibus/ comprehendere hominem iussit.
Illi eum iam animo fractum. et apud Sorores in archa la-
tentem inuenerunt. Complices eius in domo qua conue-
nerant expugnati: captique sunt: e quibus unus Baptista Sci-
arra manu promptus. et animo intrepido/per medias pontificis co-
hortes viam gladio sibi aperiens effugit. Stephanus in arce
sancti Angeli. alij in Capitolio suspensi vitam finire: atque ita po-
tifer maximus ingenti periculo liberatus. Romae sedis dignitatem